



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-398/17
Sarajevo, 13.12.2017. godine

Na osnovu čl. 69. i 70. stav (4) Zakona o javnim nabavkama Bosne i Hercegovine („Službeni glasnik BiH“, broj 39/14) i člana 34. Pravilnika o javnim nabavkama Tužilaštva/Tužiteljstva BiH broj: A-97/17 od 25.05.2017. godine v.d. glavnog tužioca Tužilaštva/Tužiteljstva BiH d o n o s i

O D L U K U O
PONIŠTENJU POSTUPKA JAVNE NABAVKE

Član 1.
(Predmet odluke)

(1) Poništava se postupak javne nabavke za LOT2 Prenosni računari-tableti za potrebe Tužilaštva-Tužiteljstva BiH.

(2) Odluka o izboru najpovoljnijeg ponuđača za LOT2 Prenosni računari-tableti, broj A-398-14/17 od 27.11.2017. godine, stavlja se van snage.

Član 2.
(Razlog poništenja)

Predmetni postupak se poništava budući da nijedna od primljenih ponuda nije prihvatljiva.

Član 3.
(Stupanje na snagu)

Ova odluka stupa na snagu danom donošenja.

O b r a z l o ž e n j e

Postupak javne nabavke proveden je putem otvorenog postupka. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 435-1-1-880-3-10/17 od 19.10.2017. godine. Primljene su tri ponude ponuđača: R&S d.o.o. Sarajevo, Aspo Rail d.o.o. Sarajevo i Rebus d.o.o. Sarajevo.

Članovi Komisije za nabavke imenovani Odlukom broj: A-17/17 od 16.01.2017. godine i izmjenom Odluke o imenovanju Komisije za nabavke broj: A-17-1/17 od 21.09.2017. godine (u daljem tekstu: Komisija), donijeli su Zapisnik o pregledi i ocjeni ponude u pogledu kvalifikacije najpovoljnijeg ponuđača u postupku nabavke –LOT2 Prenosni računari-tableti i konstatovali sljedeće:

Ponuđač Aspo Rail d.o.o. Sarajevo, dana 30.11.2017. godine dostavio sljedeću dokumentaciju:

- Ovjerenu kopiju Uvjerenja Općinskog suda u Sarajevu, broj: 65 0Kr 12137 17 od 12.10.2017. godine, kojom se potvrđuje da protiv ponuđača nije podignuta optužnica koja je stupila na

pravnu snagu, odnosno da nije potvrđena optužnica, a niti izrečena osuđujuća presuda za krivično djelo sa propisanom kaznom zatvora do pet godina ili novčanom kaznom kao glavnom kaznom.

- Ovjerena kopija Uvjerenja Općinskog suda u Sarajevu, broj: 065-0R-17-002063 od 12.10.2017. godine, kojom se potvrđuje, da „APSO RAIL d.o.o. Sarajevo“ nije pod stečajem niti predmetom stečajnog postupka, nije predmet postupka likvidacije, odnosno nije u postupku obustavljanja poslovne djelatnosti, u smislu člana 45. stav 2. Zakona o javnim nabavkama u Boni i Hercegovini.
- Ovjerenu kopiju Uvjerenja Porezne uprave Federacije BiH, broj: 13-9/25-15-4-3394/17/ L.J. od 12.10.2017. godine kojim se potvrđuje, prema poreznoj evidenciji, da nema duga po osnovu javnih prihoda, doprinosa za penzijsko-invalidsko osiguranje, zdravstveno osiguranje i drugih javnih prihoda, na dan 12.10.2017. godine;
- Ovjerenu kopiju Uvjerenja Uprave za indirektno oporezivanje BiH, broj: 02/6/II-16-11-20-7913-1/17 od 12.10.2017. godine da nema dospjelih, a neizmirenih obaveza po osnovu indirektnih poreza, ostalih prihoda i taksi.

Tenderskom dokumentacijom, i to tačkom 3.1.1. ponuđač kojem bude dodijeljen ugovor u predmetnom postupku nabavke je dužan u roku od pet dana od prijema obavještenja o izboru, najpovoljnijeg ponuđača dostaviti sljedeće dokaze, original ili kopije ovjerene od nadležnog organa (sud, notar ili općina) u svrhu dokazivanja činjenica navedenih u izjavi:

a) uvjerenje/potvrdu nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji za korupciju, prevaru ili pranje novca;

b) uvjerenje/potvrdu nadležnog suda ili organa uprave kod kojeg je registriran kandidat/ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije odnosno da nije u postupku obustavljanja poslovne djelatnosti.

- Ponuđač je dostavio ovjerenu kopiju Uvjerenja Općinskog suda u Sarajevu, broj: 65 0Kr 12137 17 od 12.10.2017. godine, kojom se potvrđuje da protiv ponuđača nije podignuta optužnica koja je stupila na pravnu snagu, odnosno da nije potvrđena optužnica, a niti izrečena osuđujuća presuda za krivično djelo sa propisanom kaznom zatvora do pet godina ili novčanom kaznom kao glavnom kaznom.
- Ponuđač je dostavio ovjerenu kopiju Uvjerenja Općinskog suda u Sarajevu, broj: 065-0R-17-002063 od 12.10.2017. godine, kojom se potvrđuje, da „APSO RAIL d.o.o. Sarajevo“ nije pod stečajem niti predmetom stečajnog postupka, nije predmet postupka likvidacije, odnosno nije u postupku obustavljanja poslovne djelatnosti, u smislu člana 45. stav 2. Zakona o javnim nabavkama u Boni i Hercegovini.

Dostavljena dokumentacija ponuđača Aspo Rail d.o.o. Sarajevo u pogledu kvalifikacije nije u skladu sa tačkom 3.1.1 Tenderske dokumentacije.

Primjenom člana 72. stav 3. tačka a) Zakona o javnim nabavkama BiH, ugovorni organ trebao bi dostaviti prijedlog ugovora ponuđaču koji je po rang listi odmah nakon ponude najuspješnijeg ponuđača ukoliko najuspješniji ponuđač propusti dostaviti originale ili ovjerene kopije dokumentacije iz člana 45. i 47. Zakona o javnim nabavkama BiH ne starije od tri mjeseca od dana dostavljanja ponude ili zahtjeva za učešće u roku koji odredi ugovorni organ. Uvidom u zapisnik o pregledu i ocjeni ponuda broj: A-398-13/17 od 24.11.2017. godine utvrđeno je da je po rang listi odmah nakon ASPO Rail d.o.o. Sarajevo ponuđač Rebus d.o.o. Sarajevo čija ponuda iznosi 3.330,00 KM bez PDV-a, koji iznos je veći od procijenjene vrijednosti nabavke za LOT2 prenosni računari-tableti. S obzirom da je dostavljena ponuda ponuđača Rebus d.o.o. Sarajevo u kojoj je cijena ponude bez PDV-a određena na iznos od 3.330,00 KM, koja cijena je znatno veća od osiguranih sredstava za predmetnu nabavku, te bi dodjela navedenog ugovora podrazumijevala stvaranje obaveza bez unaprijed obezbjeđenog izvora finansiranja, a što je utvrđeno uvidom u dopis Rukovoditelja materijalno finansijskog odjela Tužilaštva BiH, broj: A-398/17 od 08.12.2017. godine dostavljenog Komisiji za javne nabavke, dana 13.12.2017. godine, u kojem je navedeno da nije moguća prihvatiti ponudu koja je viša od

procijenjene vrijednosti. Iz istih razloga utvrđeno je da je neprihvatljiva i ponuda ponuđača R&S d.o.o. Sarajevo, koja iznosi 3.518,64 KM bez PDV-a. Iz svega navedenog, a na osnovu odredbe člana 69. stav 2 tačka e) Zakona o javnim nabavkama ugovorni organ obavezan je poništiti postupak javne nabavke za LOT2 prenosni računari-tableti.

Imajući u vidu da su u ovom postupku cijene svih prihvatljivih ponuda znatno veće od osiguranih sredstava za predmetnu nabavku, shodno odredbi član 69. stav 2 tačka e) Zakona o javnim nabavkama, članovi Komisije predlažu v.d. glavnog tužioca Tužilaštva/Tužiteljstva BiH, donošenje odluke o poništenju postupka javne nabavke.

Obzirom na navedeno odlučeno je kao u dispozitivu ove odluke.

POUKA O PRAVNOM LIJEKU: Žalba se izjavljuje Uredu za razmatranje žalbi Bosne i Hercegovine putem Tužilaštva-Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od deset dana od dana prijema ove odluke.



V.D. GLAVNOG TUŽIOCA
TUŽILAŠTVA/TUŽITELJSTVA BiH

Gordana Tadić